

Protokol
sa sastanka bosanskohercegovačko-njemačke
Mješovite komisije za drumski prevoz putnika i roba
održanog 11. i 12. decembra 2018. godine u Bonu

Dana 11. i 12. decembra 2018. godine, u Bonu je održan sastanak bosanskohercegovačko-njemačke Mješovite komisije za drumski prevoz putnika i roba.

Spisak učesnika sa sastanka se nalazi u prilogu ovog Protokola.

Na početku razgovora, učesnici su se složili sa sljedećim Dnevnim redom:

1. Razvoj bosanskohercegovačko-njemačke spoljnje trgovine sa posebnim osvrtom na drumski prevoz
2. Prezentacija o aktivnostima Ministarstva komunikacija i transporta Bosne i Hercegovine
3. Drumski prijevoz putnika
 - Linijski prevoz
 - Povremeni prevoz
 - Prava putnika u autobuskom prevozu
4. Drumski prevoz roba
 - Kontigent dozvola
5. Razno

2

7

1. Razvoj bosanskohercegovačko-njemačke spoljne trgovine sa posebnim osvrtom na drumski prevoz

Obje strane su razmijenile informacije i statističke podatke o razvoju spoljne trgovine i privrede kao i o međunarodnom drumskom prevozu između Savezne Republike Njemačke i Bosne i Hercegovine.

Njemačka strana je navela da se, nakon pada u 2009.godini, ponovo može zabilježiti porast u vrijednosti spoljne trgovine između dvije zemlje. 2017.godine je spoljna trgovina između Savezne Republike Njemačke i Bosne i Hercegovine iznosila skoro 1,6 milijardi €, od čega 54% otpada na izvoz iz Savezne Republike Njemačke, a 46% na uvoz u Saveznu Republiku Njemačku. Obim robne razmjene u trgovini između dvije države je 2017.godine porastao na skoro 0,6 miliona tona. Upoređeno sa 2016.godinom, to predstavlja porast za oko 5,7% ukupnog obima trgovine.

Bosanskohercegovačka strana je informisala da za 2017.godinu raspolaže sa sličnim podacima. Od 2013.godine, se bilježi stalni porast u robnoj razmjeni. Upoređujući 2013.godinu sa 2017. godinom, evidentiran je porast u obimu prevežene robe za 11%. U pogledu vrijednosti razmjenjenih roba porast iznosi 20%.

Prilikom poređenja 2013.godine sa 2018. godinom, uzeti su u obzir podaci zaključno sa oktobrom mjesecom 2018.godine. Evidentiran je porast za 30% u pogledu vrijednosti razmjenjenih roba, odnosno 25% u pogledu prevežene robe.

Bosanskohercegovačka strana je navela da je odnos uvoza i izvoza između dvije zemlje izbalansiran. Bosanskohercegovačka strana je istakla da je Savezna Republika Njemačka jedan od najznačajnijih trgovinskih partnera Bosne i Hercegovine, a da ona kao tranzitna zemlja takođe zauzima istaknutu poziciju.

Obje strane su se sporazumjele da se iznijeti statistički podaci, uglavnom poklapaju i da se bilježi pozitivan razvoj u spoljnoj trgovini. Računa se da se nastavi rast u razvoju spoljne trgovine između dvije zemlje.

2. Prezentacija o aktivnostima Ministarstva komunikacija i transporta Bosne i Hercegovine

Bosanskohercegovačka strana je kroz prezentaciju upoznala drugu stranu o najnovijim aktivnostima Ministarstva komunikacija i transporta Bosne i Hercegovine. Između ostalog, predstavljen je web portal <https://www.transportnedozvole.gov.ba/>, na kojem se mogu dobiti informacije o registrovanim prevoznicima, međunarodnom linijskom prevozu putnika, prevozu roba (bilateralne, CEMT dozvole), vozačima, sporazumima, protokolima sa sastanaka, zakonim i podzakonskim propisima u oblasti transporta, obavještenjima i dr.

Njemačka strana se zahvalila za dostavljene informacije i izrazila pohvalu na transparentnosti predstavljenog portala. Njemačka strana je istakla da se takav jedinstven i sveobuhvatan web

2

Ja